

Նոր եմ նոր մածուն մերել

Նոր եմ նոր մածուն մերել,
Յա՛ր, նա նա՛յ, յա՛ր,
Լե, վայ, լե՛, լե՛,
Իմ յարը հաց չի կերել,
Յա՛ր, նա, նա՛յ, նա՛յ:

Հեռու գեղեն է գալիս,
Յա՛ր, նա նա՛յ, յա՛ր,
Լե, վայ, լե՛, լե՛,
Մի լավ նվեր է բերել,
Յա՛ր, նա, նա՛յ, նա՛յ:

Նոր եմ նոր մածուն մերել,
Յա՛ր, նա նա՛յ, յա՛ր,
Լե, վայ, լե՛, լե՛,
Իմ յարը հաց չի կերել,
Յա՛ր, նա, նա՛յ, նա՛յ:

Առնեմ երթամ իմ յարը

Առնեմ երթամ իմ յարը,
Առնեմ երթամ էն սարը,
Առնեմ երթամ էն սարը,
Մեյր անելով իմ յարը:
Առնեմ երթամ էն սարը,
Մեյր անելով իմ յարը:

1. Յար եմ գտել՝ յարի՛ պես,
Ընկուզենի ծառի պես,
Ուր որ երթամ՝ կայնած է

Էն մեր սիրուն սարի պես:
Ուր որ երթամ՝ կայնա՞ծ է
Էն մեր սիրուն սարի պես:

Առնեմ երթամ իմ յարը,
Առնեմ երթամ էն սարը,
Առնեմ երթամ էն սարը,
Մեր անելով իմ յարը:
Առնեմ երթամ էն սարը,
Մեր անելով իմ յարը:

2. Մի ծառ ունիմ ծիրանի,
Քամին տերև կըտանի,
Քամի՛, ինձնից արի տար
Անուշ յարիս մատանի,
Քամի՛, ինձնից արի տար
Անուշ յարիս մատանի:

Առնեմ երթամ իմ յարը,
Առնեմ երթամ էն սարը,
Առնեմ երթամ էն սարը,
Մեր անելով, իմ յարը:
Առնեմ երթամ էն սարը,
Մեր անելով, իմ յարը: